

39.

Բ

Պատմեցից ինչ ինչ սքանչելի և զարմանալի՝ ի պատիւ երեսաց այնմ, որ քաջ՝ հիւսիսականին է զակատեալ ի սէր. զոր աչօք իմովք տեսի և սքանչացայ, որ դիպաւ ի Ծ դեկտեմբերի. զի իբրև զանցեալ զսախզ հասաք ի քառայ պուռնու անուանեալ լեառն, յանկարծուստ իմն երևեցաւ փոքր նաւ մի մոսկոֆեան պայրախով ի թիկանց լերին, որ պարզեալ զառագաստն՝ զալով զայր օռձայ ի մեզ. զոր ընդ տեսանէլն մեր խաբուտանն՝ փութացաւ եդ պայրախ, և արկ թնդանօթ մի խուժպառայով. և երկուցեալ թերևս ի նաւարտակաց ծովուն անտի ոք իցէ մոսկոֆեան պայրախով. և ինքն կազմեցաւ ի մարտ պատերազմի, զի մի անհոգս՝ զտցի անպատրաստ. զամենայն պատրաստութիւն պատրաստեցաւ՝ թնդանօթից, թիւֆէնկից, փիշտոֆից՝ սուսերաց և զինուց, զամենայն ալէստայ եղեալ ի միջի. ապա հրաման ետ ամենայն ումեք՝ եթէ ճանապարհորդաց և եթէ նաւավարաց ելանել ի վեր արտաքս, զի բազմութիւն երևեսցի:

Գայր նաւն մոսկոֆեան յոխորտանօք, յորում էին աւելի քան զերեսուն և քառասուն ոգիք. մերձեցաւ և անց զառաջեաւ մերով ճոխանալով, զնաց մեկնեցաւ ի մէնջ հարուստ մի. դարձեալ՝ փօժալամիշ արար՝ դարձաւ ընդ կրունկն՝ եկն մօտեցաւ ի մեզ ի թիկանց մերոց, բարբառեցաւ ընդ մեզ փողովն, ողջոյն ետ մեզ և եհարց ինչ ինչ. ապա հեղան զեղան արք տասն անտի ի նաւակն իւրեանց՝ զալ քննել և տեսանել զնաւն մեր, եդին ի նաւակն և զթիւֆէնկս բազումս և զէնս. և գաղեցին ընդ քէպէտով իւրեանց, և ինքեանք զոյգ մի փիշտովով ի մէջսն և սուր առննթեր կախեալ, զային կատաղաբար առ մեզ. և յաչաց նոցա հուր ցայտէին: Իսկ խաբուտանն մեր հրամայեաց ամենայն նաւավարաց՝ առնուլ թիւֆէնկ ի ձեռս և դնել փիշտոֆ ի մէջս և կախել սուր առ զտեամբ. և պար առեալ շար ի շար կանգնիլ ի կողմն՝ ուստի ունին ի վեր ելանել. և ոչ թողուլ զոք բաց ի մէն միոյ միայնոյ ի վեր ելանել մտանել, և եթէ տեսանէք զիս պարպել զփիշտոֆ, հարէք և զամենեսին և խնայէք: Իբրև ամենեքեան այսպէս պատրաստեցան կարգեցան, և կացին կազմ իւրաքանչիւր յիւրում կայի, ահա և նաւակն եկն եհաս՝ մերձեցաւ ի նաւն մեր: Այլ նոքա զհասանիւն և զեղանիւն ի մեր նաւն մի առնել խնդրէին. թողին ամենեքին զնաւակն առանց պարանաւ ինչ հաստատելոյ՝ կէսք յայս ինչ պարան ձեռն արկեալ, և կէսք յայլ ինչ, ոմն յայս և ոմն յայլ ձեռնամբեալ՝ ի վեր անդր սողալ զեռալ սկսան. ձայն ետուն ի վերուստ խիզախամբ նաւավարքն մեր՝ կացին հակառակ նոցա չեւանել ի վեր բաց ի միոյ միայնոյ. այլ նոքա հետեցին բանիցն սոցա, նախատինս համարեցան անձանց իւրեանց զայս. զի գողոց և աւագակաց սակս են այս օրէնք ասեն. և յերկուց կողմանց շեռան և բորբոքեցան և անկան զբանիւք. նոքա ի ներքուստ անտի սողալ ի վեր խնդրէին, և սոքա ի վերուստ զթիւֆէնկս ուղղեալ սպանանել սատակել ձեռն արկին. բարձրացաւ աղաղակ շփոթի և աղմկին, եհաս ի վերայ խաբուտանն ի փութայէն, արարին խաղաղութիւն ի միջի, արգել բաց ի միոյ միայնոյ ի վեր ելանել. նոքա թէպէտ և զայրացան և կրճտեցին զատամունս իւրեանց, այլ զի չէին ինչ ձեռնհաս լռեցին, և մի միայն ի նոցանէ ել ի վեր. բայց և նորա հատաւ զոյն յերեսացն և բան ի բերանոյն. շփոթեցաւ յանձն իւր և չգիտէր զինչ խօսիլ. սկսաւ թօթովել և կակազել ինչ ինչ, և ոչ ծանուցաւ ըստ օրինի զոր խօսէր, ոչ առ տգիտութեան լեզուին այլ առ խռովութեան սրտին. ուստի և վաղվաղակի կարճեալ զբանն՝ էջ ի նաւակն, ելին և գնացին առ իւրեանս մոմալով:

Յայսմ վայրի ահա երևեցաւ ի քառայ պուռնուն ի ներքոյ լերանցն վօլիկ մի տաճկի, յորում էին արք իբր երկոտասան, տեսին զնա մոսկոֆեանք և ուղղեցին զնաւն ի վերայ. զոր օրինակ յարձակիցի կատու մի ի վերայ մկան՝ այնպէս յարձակեցաւ ի վերայ նորա. համարեցաւ զնա փափկիկ պատառ մի ծասքեալ ի բերանի իւրում, միայն կլանելն